

重校  
刊訂

淨土十勝論卷第八



淨土十勝箋節論卷中

卷第八章目

護持國家勝  
 影像現佛勝  
 本地高妙勝  
 禽魚現行勝  
 遺身解脫勝  
 無夙善生勝  
 二宗精簡勝  
 翻譯重複勝  
 尊號中王勝

初紙  
 四紙  
 五紙  
 八紙  
 十三紙  
 十四紙  
 十六紙  
 二十四紙  
 二十五紙

校訂重刊

淨土十勝箋節論卷中

章目

疑心往生勝

激勸叮嚀勝

佛子第一勝

遺文放光勝

取執不捨勝

三十四紙

三十五紙

三十七紙

三十九紙

四十紙

淨土十勝箋節論卷中

乾中

護持國家勝 第四十九

菩薩大乘戒比丘澄圓撰

夫一乘圓家之持者。抽普天安寧之精勤者。正依法華之妙文矣。三密金剛之行人。致率土靜謐之懇祈者。亦任毗盧之大教焉。凡依教奉行。之次第者。尋常行者所為也。意鎮護國家之正宗。正在一乘妙經之壺奧矣。

天子本命之道場者。偏在遮那總持之邃窟者也。且延喜格云。增寶祚於長大真言之力。消過怠於未萌。

過怠恐  
應禍患  
寫誤但  
本書未  
險

校訂重刊

淨土十勝箋節論卷中

一

往下舊  
有生字  
行今依  
古訂

止觀之道云云。茲今古之群英等勸  
聖德無為之精誠焉。迴攝關泰全之秘術者。與乎爰  
案三部妙典之說相始。自法藏菩薩誓若不生者不  
取正覺。終至牟尼婆伽說具三心者。必生彼國。只示  
卽往安樂之捷徑。全不誨鎮護  
國家之方軌矣。爰真宗之行者等。諷無量壽經。而奉  
祈  
今上陛下。龜鶴寶筭。唱十二光佛。奉增  
太上天皇。舜日德光。若爾者  
玉體惟穩。今常當不老之仙藥。松筭無疆。今必見再

改字恐  
快應作  
開字

改之大椿。加之歸馬。華山陽放牛。桃林野古。劍空拋  
鑄耕田。器新弓徒。弃造繅絲車矣。又文武百寮。戴星  
而夙夜。夷夏萬民。靡風而來貢矣。然則鎮押國家之  
秘要。唯在無量壽尊之一教。且利濟黎元之懇念。偏  
在真宗學者之三輪者也。且光明尊者法事讚曰。又  
願持戒誦經念佛行道。及造諸功德等。乃又願此功  
德資益  
大唐皇帝福基永固。聖化無窮。又願  
皇后慈心平等。哀愍六宮。又願  
皇太子承恩厚地。同山岳之莫移。福命唐唐。類滄波

校訂重刊

淨土十勝箋節論卷中

三

舊脫至  
今依古

舊無戎  
作元戎  
閣作映  
映作閭  
班作祖  
今依本  
及古訂  
正

而無盡上已又光明再誕法照國師曰恒沙諸佛舒舌  
證明勸念彌陀今乃生佛國至今之念佛意在茲焉惟  
願釋梵護世衛國衛人八部天龍調風調雨伏願  
皇帝輪寶飛來鞬戈偃鉞舜澤遐霑於萬國堯風遠  
備於八荒  
太子聲飛海雷 諸王志堅磐石公主銀樓耀彩  
卿相永鎮台衡無戎節越長光堯天永佐郎官侍御  
雲飛省閣星映天台大將高班榮耀日新台逾百勝  
長官馬分駝色衣含繡文丞簿慰等佐理分憂清聲  
遠振比夫懇祈有誠故金輪久轉

舊脫依  
字  
筆誤  
勞今皆  
榮今皆  
依古訂

玉體長平矣又博陸殿下三台九卿等槐門之下椿  
葉讓八千之齡蓮府之中菊藥獻百廿之壽輔佐萬  
機鎮撫四海是併出自吾門行人之懇丹而已抑雖  
吾宗正依三部之文不說鎮護之儀則行者自盡勤  
節以奉祈萬歲寶筭是則臣僧等莫大之勤勞定垂  
天感而施其恩恤者乎抑自宗先達道觀房  
上人對  
寬元皇帝御師範也所謂在俗奉授儒典在道奉訓  
淨教繇茲  
御歡信異乎他也自餘不可同年而語之矣

校訂重刊

淨土十勝箋論卷八

三

類古  
並作  
今改

化旧作  
此誤古  
脫之今  
改

一人有慶兆民賴矣故竹園皆資師資之禮槐門悉致接足之敬矣昔法事讚勤修之時上人在乎高座而祝延曰又願此功德資益今上陛下

太上天皇 福基永固聖化無窮矣時太上皇親聞之忝合十善萬乘之掌而懃拜九品三名之尊焉抑上自鳳闕龍樓下至士庶黎民歸仰佛陀勤修出要之者莫不皆崇彌陀而唱尊號是則曩日宿熏之所開發也今世往生之所決定矣抑臣僧澄圓恭白吾

君金輪聖帝而言且以

南面万機御朝務之餘暇植西刹九蓮御臨幸之妙因矣萬歲萬萬歲之後人中難免之一事必然而到來者乎彼頂生金輪聖帝帝乎四州忉利也猶有八萬四千歲之終矣

鷓鴣草葺不合尊神乎六十餘州也亦限八十三万六千四十二之筭焉矧今云馬鳴大士賴吒和羅伎聲云有為諸法如幻如化三界獄縛無一可樂王位高顯勢力自在無常既至誰得存者如空中雲須臾散滅是身虛偽猶如芭蕉為怨為賊不可親近如毒

校訂重刊

淨土十勝箋節論卷中

四

無旧作  
不誤今  
依經正

旧古並  
脫乞字  
今依傳

地篋誰當愛樂是故諸佛常呵此身上又大集經云  
妻子珍寶及王位臨命終時無隨者唯戒及施不放  
逸今世後世為伴侶上南無阿彌陀佛一下樂王上  
影像現佛勝第五十上大士上願見善導真像化為佛

夫丁蘭之木母親顯乎靈異也猶斷語笑且智證之  
真影自出乎廟堂也未現佛身且然吾光明大師之  
肖像昇乎空中今現四八之妙相矣動乎脣舌兮說  
本誓之深旨焉是義他氏之所絕離也斯相餘家之  
所不及矣且大宋高僧傳云唐睦州烏龍山釋少康  
乃遂之長安善導影堂內乞願見善導真像化為佛

身謂康曰汝依吾施設利樂衆生同生安養上僧史  
文明誰不信受者乎抑我等遠乍居日域邊鄙之外  
親感得神僧指授之典而恣解別意弘願之玄極專  
知即詣安養之捷徑是一生之大幸闔生熙怡之思  
乎於戲彼王母之不死仙藥未痊三毒之瘥且壺公  
之長生秘術無遁二障之患且然今飽服乎尊號甘  
露之靈藥以成九品淨刹之大仙矣餘翫乎念佛醍  
醐之妙法以銷五蓋三毒之疾瘵焉是則所以往生  
時至解脫日來故乎也白氏文集云吾聞善醫者古  
今稱扁鵲萬病皆可治唯無治老藥上南無阿彌陀

校訂重刊

淨土十勝論卷八

五

佛

本地高妙勝 第五十一

夫根堅者枝葉惟茂且源深者末流大遠且爰温吾高祖大師之本地者摩尼高臺之覺王矣安養淨刹之教主也然為楷定古今判釋之繆旨以顯示別意宏誓之幽邃忝辭法王之高本而現列信外之淺位焉攝凡再說之善巧實有憑者乎抑狂醉毒藥不自解醫王能治且摩尼寶珠不自寶工人善瑩且所謂醫王工人豈異人乎吾祖光明尊者其人也善治他氏狂毒之繆判而顯二尊郅匠之玄旨且加之開發

旧脫正  
字今依  
古如

手旧作  
乎誤今  
依古訂

三摩鉢提感見九品依正且大法東流以往未如大師之靈德也瑞應傳云唐朝善導禪師乃佛法東行未有禪師之盛矣此請問之曰西方略傳曰唐朝善導和尚未詳氏族傳云阿彌陀佛化身也抑吾無量壽如來匪啻受生於朱氏始飾寶刹之二嚴又容形於漆家重堅真宗之正幢矣所謂吾黑谷尊師是也凡影現西天自示欲來生者當念我名莫有休息則得來生降誕東夏手書念佛三昧功能超絕實非雜善得為比類且又重應來扶桑朝中判定當知隨他之前雖暫開定散門隨自之後還開定散門一開以

校訂重刊

淨土十勝論卷八

六

燒身舊脫之今依古如

後永不開者唯是念佛一門。彌陀本願釋尊付屬意在。此矣。然則持名之妙行是如來因位願王之正業。且三度顯現本懷之要行者也。卓朗之智者自知矣。問曰。見僧史諸書之文辭無累之高本列人祖之淺位之彙非一。若爾者從上所立。更不成。何如乎。答曰。就現在流布之諸宗以為語而已。所謂天台圓宗之高祖智者國師是燒身燒臂之大士也。法相中宗之元祖慈恩大師乃圓通薩埵之應迹也。三論空宗之祖師嘉祥大師亦歷劫侍佛之菩薩也。單傳心印之鼻祖達磨尊者觀音上士之降誕矣。所未聞也。當代

流傳諸宗高祖究竟如來之垂應矣。問曰。京師尊者彌陀應現者支那眾傳露點惟鮮信水可澄矣。黑谷祖師妙雲降來者出在何處乎。答曰。延久皇帝之御記分明矣。寬元天皇之詔敕惟新也。孰人不仰信。金輪御宸筆之跡居胡彙弗崇重。明君敕語之旨諸問曰。世人皆傳然公上人者或是彌陀左面高第大勢志薩埵之應現也。或又釋尊第一神足舍利子尊者之垂應也。然今聞覺王降生之一說甚以為希有之事。伏請出明鑑之誠證以散後

校訂重刊

淨土十勝論卷中

七

昏之疑網矣答曰豈不前云乎此事又加復以  
延久皇帝之御記惟鮮矣

寬元天皇之敕語分明矣問曰今正見其文乎焉答  
此緯深秘人不知之只小子一人傳之矣雖難輒題

之筆點為生後指之信敬今當顯示之所謂五條外  
記主計頭賴尚真人寶治二年八月二日記云參

仙洞被召西小御所南向數剋御文談 仰云

後三條院御記御夢想彌陀如來化身來可引導眾  
生於西土云云云云彼年月當源空誕生年月兼被示彼  
事歟可敬信但日相違云云猶委欲尋申入之處則還

旧脱無  
極二字  
今依古  
加

御之間退出歸車便向信融上人坊語 御所仰

次第隨喜無極無極上職者之自記誰不服膺之乎

來葉信伏矣抑一切眾生等自從九識清淨湛海之

上三細六麤之洪波頻動以往抑弊五種佛性之覺

月且被縛十纏煩惱之魔王且漂沒二種生死之愛

河未登四德涅槃之岸上矣爰我等内本覺真如冥

熏而外逢值別願之舶舸誰急走不乘之乘與不乘

非筏主之咎也智人自知矣白氏文集云堯舜與周

孔古來稱聖賢借問今在何一去亦不還比南無阿

彌陀佛

校訂重刊

淨土十勝論卷八

禽魚現行勝 第五十二

夫翦鱗少識也無由持乎佛教矣禽介多愚也不能  
 修乎妙行焉然於持名之一行者羽蟲能勤之且鱗  
 蟲善持之且編年通論第二十二云永貞元年九月大  
 尉中書令韋臯薨臯初生厥父飯僧祈福忽有應真  
 尊者至齋畢乳媪抱兒求咒願尊者起謂衆曰此兒  
 諸葛武侯也它日有美政於蜀宜以武字之言訖恍  
 然不見其後臯游官出處節義功名大槩與武侯相  
 類治蜀二十有一年封南康郡王有德在民四川至  
 令奉祀之雅好釋氏法嘉州石像初成臯爲之記略

舊古所  
 舉編年  
 通論及  
 三寶感  
 應錄文  
 字稍有  
 誤脫今  
 依本書  
 皆改

曰頭圍千尺目廣二丈其餘相好一一稱是世美其  
 簡而雅又嘗訓鸚鵡念佛鸚鵡斃以桑門故事闍維  
 之得舍利韋爲之記曰元精以五氣授萬類雖鱗介  
 毛羽必有感清英純粹者矣或炳耀離火或稟其蒼  
 精皆應乎人文以奉若時政則有革彼禽類習乎能  
 言了空相於不念留眞骨於已斃殆非元聖示現感  
 於人心同夫異緣用一眞化前歲有獻鸚鵡鳥者曰  
 此鳥聲容可觀音中華夏有河東裴氏者志樂金僊  
 之道聞西方有珍禽群嬉和鳴演暢法音以此鳥名  
 載梵經智殊常類意佛身所化常押而敬之始告以

校訂重刊

淨土十勝論卷八

六齋之禁比及辰後非時之食終夕不視固可以矯  
激流俗端嚴梵倫或教持佛名號曰當由有念以至  
無念則仰首奮翅若承善聽其後或俾之念佛則默  
然而不答或謂之不念即唱言阿彌陀歷試如一曾  
無爽異余謂其以有念為緣生無念為真際緣生不  
答以為緣起也真際雖言言本空也每虛空戒曙發  
和雅音穆如笙篳靜鼓天風下上其音念念相續聞  
之者莫不洗然而嘉善矣於戲生有辰乎緣其盡乎  
以今年七月悴爾不憚七日而甚馴養者知將盡乃  
鳴磬而告曰將西歸乎為爾數磬爾其存念每一擊

磬一稱彌陀佛洎十擊磬而十念成斂翼委足不震  
不仆揜然而絕按釋典十念成往生西方又云得佛  
慧者歿有舍利知其說者固不隔殊類哉遂命以閣  
維之法焚之餘燼之末果有舍利十餘粒烟爾耀目  
瑩然在掌識者驚視聞者駭聽咸曰苟可以誘迷利  
世安往而非菩薩之化歟時有高僧慧觀嘗詣三學  
山巡禮聖迹聞說此鳥涕淚悲泣請以舍利於雲山  
用陶甃建塔旌異之余謂此禽存而有道歿而有徵  
古之所以通聖賢階至化者女媧蛇軀以嗣帝中衍  
鳥身而建侯紀乎冊書其誰曰語怪而况此鳥有弘

校訂重刊

淨土十勝箋節論

於道流聖證昭昭胡可默已是用不愧直書于辭上  
又三寶感應錄云安息國人不識佛法居邊地鄙質  
愚氣時有鸚鵡鳥其色黃金青白文飾能作人語王  
臣人民共愛身肥氣力弱有人問曰汝以何物為食  
鳥曰我國聞阿彌陀佛唱以為食身肥力强若欲養  
我可唱佛名諸人競唱鳥漸飛騰空中還住地鳥曰  
汝等欲見豐饒土不答欲見之鳥曰若欲見者當乘  
我羽時諸人乘其羽翼力猶少弱鳥勸令念佛即飛  
騰虛空中指西方而去王臣歎異曰此是阿彌陀佛  
化作鳥身引接邊鄙豈非現身往生即於彼地立精

舍號鸚鵡寺每齋日修念佛三昧從其已來安息國  
人少識佛法往生淨土者蓋多矣比又重編往生傳  
云潭州有人養一鸚鵡號八八兒偶見僧念阿彌陀  
佛即隨稱不絕因捨與僧後亡乃棺以葬之俄口生  
蓮華一枝有頌曰有一靈禽八八兒解隨僧口念阿  
彌死埋平地蓮華發我輩為人豈不知又台州黃崑  
正等寺觀師嘗畜一鸚鵡能言語纔聞念佛則隨之  
其後唯呼阿彌陀佛一日立死穴土葬之未幾於舌  
端生一紫蓮華靈芝律師嘗讚之有立亡籠閉渾閑  
事化紫蓮華也大奇之句比又云群魚稱佛號當塗

往生傳  
舊與古  
所舉文  
互有少  
異然於  
意更無  
差異故  
今省但  
未檢本  
傳待勘

漁人劉成李暉天寶春載魚往丹陽泊舟浦中李暉  
往浦岸村舍中公幹獨劉成在江上遠見船中大魚  
振鬣搖首稱阿彌陀佛劉驚奔于岸俄聞萬餘魚俱  
跳躍念佛聲動天地矣劉大恐盡投魚于江李至不  
信劉即用已財酬之明日忽於荻中得錢萬伍仟題  
云還汝魚直比又三寶感應錄云執師子國西南極  
目不知況里有絕嶋編居屋舍五百餘戶捕魚為食  
更不聞佛法時數千大魚海渚奇來一一作人語唱  
南無阿彌陀佛海人見之不了所由唯依唱言名阿  
彌陀魚有人唱阿彌陀魚漸近岸頻唱殺之而不去

淨土十勝箋節論卷中

緯旧作  
綺誤

肉甚美若諸人久唱所執取者肉味最上少唱得者  
少辛苦因之一者漁人耽嗜魚肉唱阿彌陀佛名為  
業初食者一人壽盡命終三月之後乘紫雲放光明  
來至海渚濱告諸人曰吾是捕魚之中老首命終生  
極樂世界其大魚者阿彌陀如來化作彼佛哀愍我  
等愚氣作大魚身勸進念佛三昧若不信者當見魚  
骨皆是蓮華諸人歡喜見所捨骨皆是蓮華見者感  
悟斷殺生念阿彌陀佛所居之人皆生淨土空荒年  
久執師子國獅子賢大阿羅漢乘神通往到彼嶋傳  
說如此已夫佛法中奇特美緯加之乎斯事唯局在

校訂重刊

淨土十勝箋節論卷中

十二

乎吾門孰不信仰者乎請問之曰昔者八部者變形  
乎於人類而依教奉行今者禽魚者不革乎本體而  
稱念佛名其義天懸智人辨知矣問曰翻經館左鼠  
外國大地常山蝙蝠虎丘獼猴等皆依法華而得巨  
益是豈非禽獸得脫乎答曰此難非也彼是聞經之  
得益而匪自身之修行也矧又彼生天之益矣此往  
生之利焉輪迴善處解脫淨界高卑其何如學者商  
量矣抑禽魚既現修人類盍激勵居乎夫生非吾好  
死亦人惡然猶生生之之輪轉六趣死死去去沈落  
三途生我父母不知生之由來受生我身亦不悟死

使旧作  
得誤今  
依本改

之所去顧過去冥冥不見其首臨未來漠漠不尋其  
尾然今聞得一念之悲願欣求九品之樂土生前大  
幸只有斯事而已白氏文集云我今六十五走若下  
坂輪假使得七十只有五度春上巳南無阿彌陀佛

遺身解脫勝 第五十三

夫喜見燒全身也諸佛同讚言真法供養雪童捨一  
命也鬼師哀納復釋提桓因矣然則菩提索多之行  
願無加遺身求法矣生死解脫之秘術母超不惜身  
財者也爰吾高祖京師尊者辨立真宗既窮條錄聖  
誥繹竟遺懸車之壽筭出有輪之忍界

校訂重刊

淨土十勝論卷八

十三

旧脱亦  
字今依  
傳加

今上陛下故感激以錫光明額居三公大夫大恭欽  
以葬設利羅諸又長安屠兒遺命而往西焉華夷皂  
白捨身而去東等其德皆歸大師之傳化更非餘者  
也於他宗中未聞如斯勝事只是吾門不共之別德  
而已請問之曰新修往生傳曰唐京師善導乃自念  
阿彌陀佛如是一聲則有一道光光明從其口出十聲  
至于百聲光亦如之導謂人曰此身可厭諸苦逼迫  
情偽變易無暫休息及登所居寺前柳樹西向願曰  
願佛威神驟以接我觀音勢至亦來助我令我此心  
不失正念不起驚怖不於彌陀法中以生退墮願畢

踵旧作  
難汝作  
是今依  
樂邦文

於其樹上投身自絕時京師士大夫頌誠歸信咸收  
其骨以葬高宗皇帝知其念佛口出光明又知捨報  
之時精至如此賜寺額為光明焉上已夫不悟煩惱苦  
提不二之理名之凡夫異生矣癡迷菩提涅槃一體  
之旨號之補特迦羅焉如斯等三學無分之索多若  
信得六字之尊號端坐九蓮之玉臺聞七重寶樹稍  
之調純一實相之玄極聽八德香池浪之唱四曼三  
密之本際必也焉乎京師尊者激勵四衆偈云漸漸  
雞皮鶴髮看看行步蹣跚假饒金玉滿堂誰免衰殘  
老病任汝千般快樂無常終是到來唯有徑路修行

校訂重刊

淨土十勝箋節論卷中

十四

類訂但  
作龍鐘

但念阿彌陀佛上南無阿彌陀佛上  
無夙善生勝第五十四

夫青陽致東作之業之者白藏感西收之得矣朱夏  
營採桑之績之倫玄冬著錦繡之服矣芳春倦乎耕  
業之彙金商食乎糟糠且暑月怠乎養蠶之輩嚴寒  
索乎短褐且此事觸目皆是也佛法修行之道其不  
然哉所以三恆供佛之人速登初依之位四種善根  
之類現值一乘之法矣是則釋教之通談而更無異  
途者乎抑加于可加諸佛通總之利物且應于不應  
超世大願之別益矣且寶積經無量壽會二云有四

旧脱發  
諸世界  
今依經  
補訂

万億那由他百千衆生於無上菩提未曾發意今始  
初發種種善根願生極樂世界見阿彌陀佛皆當往  
生彼如來上凡案觀經一部之首尾披一家九軸  
之定判而詳勸勵修法之方軌而明行人過現之相  
見未必定唯由宿善以逢值本願也然則不論宿善  
之有無不問罪福之多少常執持六字之尊號直往  
詣九品之淨刹焉可思議乎問曰或說若人無善本  
不得聞此經清淨有戒者乃獲聞正法或宜憍慢弊  
懈怠難以信此法宿世見諸佛樂聽如是教此文全  
同涅槃恒沙之供佛齊法華四善之值遇者乎若爾

校訂重刊

淨土十勝箋節論卷八

十五

阻旧作  
洄誤今  
依古改

者九品直因設雖是一世之勤修值遇本願必可依  
多生之宿熏也如何答曰豈不前云西方往生之當  
機正是唯持大願業力未必由宿善有無矣夫汎爾  
之解脫必扶宿世善根而成之居彌陀之別益不論  
曩熏有無而迎之諸焉可思議乎若猶強而阻之者  
非常之言不入常人之耳矣謂乎抑我等從三妄春  
霞聳法性真如之空五住秋霧覆本覺清涼之月以  
往常為外魔之伴黨而鈴躡五趣之間恒成恩愛之  
奴隸而馳使牢獄之家爰聞到西之司南三部之遺  
教是也見解脫之捷徑九品之直路惟矣夫謂其往

帆旧作  
悅誤今  
依古改

生義之疾者速乎風帆之力須臾馳万里矣論其滅  
罪功之早者超乎燧火之勢刹那燒千薪焉樂天有  
言百年富貴風前塵一旦榮華夢中身莫謂老來始  
學道古墳多是少年人上抑行者等一發以後永無  
退失磨而不磷者必定即詣且涅而不緇者決定往  
生焉南無阿彌陀佛

二宗精簡勝第五十五

夫觀佛三摩提是答請隨他之踈行矣念佛奢摩他  
迺本懷隨自之妙業焉然通經諸家皆不詳勘三部  
之現文弗辯知本誓之義趣而以念佛陀之念而恣

不混觀佛之觀以三摩耶之名而妄雜亂深禪之定  
全不簡別兩三昧之異同矣斯等諸解皆繆說也匪  
啻失超世大願之玄旨亦迷惑世俗文字之訓註實  
可憫矣是則燕石濫珠璞鼠名涉之故乎若有學佛  
之人以塗灰三身混如來境智化他以梵延佛號亂  
婆伽十號三名以富蘭不生同佛性涅槃以勝數諦  
名一四種四諦以長爪實相泯十如實相以犢子絕  
言比真如言亡亦以外計之真我或作神濫內道之自  
在我者全不可名釋氏之巧智矣是則學佛成外之  
一類乎抑亦附佛法外之贗徒乎爰西方化主彌陀

覺王愍學者之倒惑辭黃金之淨刹而為赤縣之導  
師能辨定二行之差殊以顯示九品之正業矣且玄  
文曰今此觀經即以觀佛三昧為宗亦以念佛三昧  
為宗此夫觀佛三昧者第九真身觀是也念佛三昧  
者第九觀中念佛衆生攝取不捨之文并下輩三品  
之稱名三摩鉢提是焉抑觀佛三昧之為體矣彌陀  
如來身相明徹而過成王之荆玉焉靈光照曜而越  
隋侯之夜光矣若有行者觀面輪端正滿月相生死  
長夜之迷闇忽晴矣想頷臆身半獅子相煩惱業障  
之毒獸速却焉然我等戒絲多類八十種好之明文

隋旧作  
隨誤今  
依古改

校訂重刊

淨土十勝論卷八

十七

忽登等  
十八字  
旧脱之  
今依古  
補訂

難織居定水不潔無邊巨億之妙相巨浮諸次念佛  
三昧行相者不求寂漠無人聲之練若不擇清淨結  
戒之靈地設雖居朝市憤鬧之處蓮心置西刹諸設  
雖交屠沽倡伎之輩開口唱南謨矣夫名號功德難  
思而格量巨曼本願力用神妙而心言俱絕雖一念  
不捨之喻如涓露之入碗河且雖一稱攝取之猶似  
潺水之朝巨海寔貴哉大憑哉夫恭勤散漫之口稱  
忽登九蓮之寶臺矣鴻恩之重頭孰與戴五嶽芳德  
之深身奈何浴四海矣抑念佛衆生攝取不捨之光  
明者皓皓者過崑崙之衆玉明明者勝吳山之百鍊

其光照無邊不異梅檀之熏隨風而芬郁乎萬方之  
際相同明月之光出雲而照臨乎千里之外問曰他  
師混淆二行有何過失居一家精簡兩宗有何德能  
諸答曰二行比對而論其同異即有三種同有十六  
異異即優劣也初言三同者一曰見佛同謂二行雖  
異見佛是同矣二曰來迎同謂念觀成就終焉必預  
迎接焉三曰往生同謂二行尅成身壞定生極樂耳  
二行三同之相梗概如斯矣次言十六異者一曰本  
願非願異二曰光明不攝異三曰證誠不證異大師  
詳此三異而云彌陀身色如金山相好光明照十方

校訂重刊

淨土十勝論卷八

十八

建 旧作  
達 旧脱曰  
字 旧脱曰  
彌 誤  
陀 旧作  
字 今依  
古 皆正

麟 旧作  
麟 象作  
字 誤

唯有念佛蒙光攝當知本願最為強六方如來舒舌  
證專稱名號至西方四日難行易行異五日廢捨建  
立異六日助業正行異七日傍往正生異八日勸開  
遮閑異九日囑累不囑異十日百生不百異十一日  
機堪不堪異十二日彌陀所廢異十三日三緣有無  
異十四日隨自隨他異十五日住滅先後異十六日  
五譽在無異也上比二八之差殊是兩行之高卑而已  
智者商量焉夫混雜二行者喻如同驢駘乎麒麟比  
微牛乎香象矣詳簡兩宗者又似辨鷓鴣與鯢鵬異  
兔狸與獅子也學者自思量矣抑此之證定疏者是

鉗 鍵旧  
作 鉗捷  
囊 作囊  
並 誤  
字 旧脱之

文 旧作  
父 誤今  
依 古皆  
訂

即開法藏之壺奧述別願之幽微鉗鍵一代括囊百  
氏其言宏綽其旨玄妙諒是釋典之中至教矣抑又  
乾坤之外微言者也凡求之者幾千萬得之者無一  
二是則所以混一兩宗致迷行者也爰從光明草創  
黑谷守文顯示願非難易之異途而知兩三摩地之  
優劣以往得往生之者過乎河沙定安心之人超乎  
竹葦此即安樂能仁出世堪忍龙面智第輔佐行化  
之所致也夫二聖巧為能事非是他氏之所跂及焉  
學者留心思察焉學者留心思察焉嗟呼貴哉宜哉  
兩哲開乎誕應之門麟武見野鸞鳳遊山景星現天

校訂重刊

淨土十勝論卷八

十九

相一等  
十九字  
旧脱之  
今依古  
神訂

黄河初澄焉。是則所以示西方之捷徑。大聖出世也。焉矣。問曰。他師亦非若引第十八願文。或依下輩三品說。而不判稱名三昧之相。一家亦受真身觀。以見諸佛。故名念佛三昧之文。而判以見諸佛。故結成念佛三昧。又結釋第十三觀之文。而曰。普勸同生知識等。專心念佛。向西傾。若爾者。奚云他氏招二行混一之失。自家顯兩宗甄別之德。居何如。答曰。他宗末塵。皆致此。尋自家門人多。屈此沮二俱不然矣。今謂此義味。必就乎文相而論之也。只是約乎意樂判之而已。他師雖釋稱名三昧之義。相未出。万行隨一之間。

甄旧作  
甄誤今  
依古正

乘旧作  
乘憂作  
夏消作  
銷

域刺。又立觀勝稱劣之義門矣。且飛錫禪師寶王論云。問曰。想即無想。謹聞之矣。然方等經中。修無上深妙禪定。令繼想白毫兼稱佛號。以祈勝定。既契之後。心佛兩忘。信有之矣。但默念泉澄。即三昧自至。亦何必聲喧里巷。響震山林。然後為道哉。對曰。誠如所問。聲亦無爽。試為明之。何者。夫辟散之要。要存於聲聲之不勵。心竊竊然。飄飄然。無定聲之厲也。拔茅連茹。乘策其後。畢命一對。長謝百憂。其義一也。近而取之。聲光所及。萬禍冰消。功德叢林。千山松茂。其義二也。遠而說之。金容煒煌。以散彩寶華。浙瀝而雨。空若指

校訂重刊

淨土十勝論卷八

二十

旧脱戎  
字今依  
論皆訂

旧脱來  
字今依  
古如

號旧作  
字今依  
要決

諸掌皆聲致焉其義三也如牽木石重而不前洪音  
發號飄然輕舉其義四也與魔軍相戰旗鼓相望用  
聲律於戎軒以定破於強敵其義五也具斯衆義復  
何厭哉上巳夫錫公雖立高聲念佛面向西方之一門  
以釋稱名三昧之義深存觀勝稱劣之旨而以口業  
之稱念而爲止觀之助緣矣此勘判爲大毘後焉彼  
錫公若如一家大師定判以觀佛三昧而爲隨他之  
宗以念佛三昧而爲隨自之宗者學者來問曰聲喧  
里巷響震山林有何意者應當答言然彌陀世尊本  
發深重誓願以光明名號攝化十方但使信心求念

上盡一形下至十聲一聲等以佛願力易得往生矣  
又慈恩大師西方要決曰諸佛願行成此果名但能  
念號具包衆德故成大善不廢往生故維摩經云佛  
初三號佛若廣說阿難經劫不能領受成實論釋佛  
之號前之九號皆從別義總前九號名義功德爲佛  
世尊說初三號歷劫難周阿難領悟莫能具悉更加  
六號以制佛名勝德既圓念其大善也上巳此之解釋  
雖似判念佛三昧之勝德混別號乎總名濫本願乎  
非願是亦爲大不足矣若基公詳乎超世別願之玄  
極者立念佛大善之因由而當言諸佛願行成此果

鳳旧作  
風誤今  
依古訂

名但能念號具包衆德故成大善不廢往生然望佛  
願意者唯勸正念稱名往生義疾不同雜散之業如  
此經及諸部中處處廣歎勸令稱名將爲要益也云云  
此例非一不遑縷說矣於戲寔惜哉他氏牽乎麒麟  
並乎駑駘而繫之矣實痛哉縊乎鸞鳳接乎梟鵠而  
籠之焉抑他氏不辯知願非之差降弗勘判二行之  
高卑是則其法義幽遠以出耳目之表存六合之外  
故也已上南北群英等判釋稱名三昧之義梗槩在  
斯居次一家大師精簡二行者夫以念佛三昧而爲  
前鋒以觀佛三昧而爲士卒是則所以稱名念佛別

旧古並  
脫者字  
今依疏  
訂

願難思之王三昧也若爾者不可以念佛三昧之一  
行而混一餘佛之名號亦弗可判屬万行之隨一者  
也大都持名三昧者是妙好希有之要法且上上最  
勝之妙行而已且疏第三云自餘衆行雖名是善若  
比念佛者全非比校也上又同第四云念佛三昧功  
能超絕實非雜善得爲比類又云若行後雜行卽心  
常間斷雖可迴向得生衆名踈雜之行也上夫所對  
雖且雜助之二行能對唯局念佛之一法智人應知  
居問曰正雜之優劣在文分明矣助正之高卑得理  
揭焉諸若爾者他氏曷迷現文而失道理哉答曰弘

校訂重刊

淨土十勝箋節論

二十二

隋舊作  
隨誤

法大師二教論云問應化身說法諸宗共許如彼法  
身無色無像言語道斷心行處滅無說無示諸經共  
說斯義諸論亦如是談如今何爾談法身說法其證  
安在子答諸經論中往往有此義雖然文隨執見隱  
義逐機根現而已譬如天鬼別見人鳥明暗比卓朗  
之智人準知彼矣焉問曰設雖陳隋已往諸師等會  
自宗而隱願意吾宗尊者降誕唐初勘辯兩道之差  
異詳判二行之得失若爾者焉他師之末塵等不遵  
脩之而生疑心乎漆桶弗依行之而堅古執乎麟膠  
居答曰二教論上云傳顯法將會深義而從淺遺秘

旧脫之  
字

新舊作  
雜驅作  
馳今皆  
依論訂

闡旧作  
聞誤今  
依古正

旨而未思師師伏膺隨口蘊心第第積習隨宗成談  
爭募益我之鋒未遑防損已之劔加以釋教漸東夏  
自微至著漢明為始周天為後其中間所翻傳皆是  
顯教玄宗代宗之時金智廣智之日密教鬱起盛談  
秘趣新藥之日淺舊痾未除至如楞伽法佛說法之  
文智度性身妙色之句馳宵臆而會文驅自宗而取  
義惜哉古賢不嘗醍醐上準彼知之學者勿致迷矣  
夫他氏闡諸淨教如庖人之為尸祝吾祖逞諸真宗  
似尸祝之致祭祠矣凡天台慈恩詳乎一三之聖道  
大常執乎祭版之謂夫光明黑谷悟乎六八之幽蹟

校訂重刊

淨土十勝論卷八

二十三

隨舊作  
隨誤

庖人達乎廚業之謂乎。是則所職各不同。故所為亦各別之由也。來哲得旨。莫相諍矣。乎問曰。他宗高祖等。温其本地。皆往古如來法身大士也。訪其迹化。同四依。洪聖地住。薩埵然。各不願意。而為繆判。何也。答曰。相推故爾。焉。例如慈恩存三天台。立一。今亦爾。莫怪矣。抑我等在。乎三界火宅。煙之中。而揚聲呼彌陀慈父之名。居四生孤獨床之上。而乍臥求願。王悲母之哀矣。實可憫者。是我等之身。尤可救者。亦此時之愁矣。靈芝律德策勵曰。自慨此身久沈苦海。漂流生死。孤露無依。譬如嬰兒墮在坑窞。叫呼父母。急救

解旧作  
脫機依  
心今依  
小經疏  
皆訂

危忙一志。依投懇求解免。聲聲相續。念念不移。雖復理事行殊。定散機異。皆成淨業。盡得往生。比於戲貴哉。西方化主。愛海艤船。東隅本師。迷路示方。孰人不乘乎。何彙弗往乎。居易有言。人生一百歲。通計三万日。何況百歲。人人間百無一。賢愚共零落。貴賤同埋沒。東岱前後。魂北邙新舊。骨上南無阿彌陀佛。

翻譯重複勝 第五十六

夫以七寶之中。以真金而為奇珍。且六難之間。以翻譯而為甚難矣。抑一乘法華。雖明記小久成之深玄。翻乎貝葉。來乎中華。不過六度矣。能斷金剛。雖宜盡

淨虛融之妙理譯乎梵音從乎漢語只是七迴焉然  
吾宗正依大本不然矣始自後漢桓靈帝代安息國  
沙門安世高翻之而名無量壽經以往終至大宋代  
西天三藏法賢譯之而題大莊嚴經於其中間或載  
之濟漫漫瀛洋或抱之越峨峨葱嶺已十有二度也  
昔所未曾聞如斯之事是則本願之大教緣深乎支  
那日域之衆生矣神州扶桑之群類契厚乎彌陀之  
本誓之所致也古云泰山之雷穿石彈極之綆斷韓  
水非石之鑽素非木之鋸漸靡使之然也此吾大經  
重翻複譯利生莫大之謂乎若爾者設雖安息伏怨

之人焉不信伏之夫設雖瞽盲生聾之彙奚弗視聽  
之居夫鷲峯月闇雲巖徒喋喋也金河水咽堙波空  
茫茫矣龍華開發遠契第十減之春朝鷄頭梵響遙  
隔七千萬之秋曉矣從冥入於冥永不聞佛名之惡  
世豈異時乎今此五濁滓穢十惡盛行之忍土是也  
然我等依恒沙宿熏值瑞華本誓宛如針芥相投又  
似龜木自遇往生指掌解脫焉疑矣南無阿彌陀佛  
尊號中王勝第五十七

夫北辰北極且最尊最上是所以衆星垂拱焉南謨  
佛陀且功德第一乃所以萬行圓修矣然諸佛願行

旧脱之  
字今依  
古如

旧脱平  
等我今  
依經訂  
補

成此果名。但能念號。具包衆德。故成大善。不廢往生之義。雖普通。直諸佛之尊號。若唱彌陀。即是唱十方佛功德。正等但專以彌陀爲法門主。之德唯局在彌陀之佳名矣。於戲宜乎貴哉。靈德不足。以盡其邊。故假無上。以稱之神。用弗足以温厥際。故寄大利。以目之而已矣。十一面神咒經云。若有稱念百千俱胝那庾多諸佛名號。復有暫時於我名號。至心稱念。彼二功德平等。諸有稱念我名號者。一切皆得不退轉地。已上經文。深義更問。文中言我者。大光普照薩埵。自督之語也。群疑論第六云。又以一念念佛。卽過百千萬億

旧脱汝  
字

劫修道。故成功德多也。如法華經說。若復有人受持六十二億恒河沙菩薩名字。復盡形供養飲食衣服。臥具醫藥於汝。意云。何是善男子善女人。功德多不無盡意言。甚多世尊佛言。若有人受持觀世音菩薩名號。乃至一時禮拜供養。是二人福平等。無異若受持六十二億恒河沙菩薩名號。復供養四事。計用時節。已經百千萬億劫。始爾暫時稱觀世音菩薩名號。供養一種。此多時功德。同於少時之福。十輪經說。若人於百大劫。至心念觀世音菩薩等。不如一食頃念地藏菩薩。若百大劫念觀世音菩薩。况前按量。卽當

多功德  
旧作功  
德多今  
依論訂  
正

過百千萬億不可說恒河沙菩薩名號供養也。若多劫中念地藏菩薩不如一聲至心念阿彌陀佛功德無量無邊也。如是將佛比地藏菩薩將地藏菩薩比觀世音菩薩將觀世音菩薩比餘菩薩六十二億恒河沙等。按量即當念佛一聲功德勝無量阿僧祇恒河沙數菩薩名號供養四事。此即一念念佛即過念餘菩薩一阿僧祇二阿僧祇劫修道如何念佛而功德少耶。可須以此按量知多功德也。上已抑卓朗之大智人等以此之解而合神咒經知其窈邃矣。天台大師觀心念佛云念阿彌陀一佛三世十方虛空法界

一切佛寶一切法寶一切僧寶如是三寶皆悉從我一念之念佛心性出云。楞嚴先德念佛略願云。因行果德自利利他內證外用依報正報十方三世諸佛功德恒沙塵數無邊法門皆悉攝在六字之中是故稱名功德無盡。上原夫難易勝劣之二義通在本願以前超勝諸佛之一門局在立誓已後矣。禮讚云。問曰。一切諸佛三身同證悲智果圓亦應無二隨方禮念課稱一佛亦應得生何故偏歎西方勸專禮念等有何義也。答曰。諸佛所證平等是一若以願行來收非無因緣然彌陀世尊本發深重誓願以光明名號

攝化十方但使信心求念上盡一形下至十聲一聲  
等以佛願力易得往生是故釋迦及以諸佛勸向西  
方為別異耳亦非是稱念餘佛不能除障滅罪也上已  
夫殷貴防之埋神劍也終為護帝王之重寶齊威王  
之得珠玉也亦作傳子孫之珍奇矧乎此尊號之于  
將豈不斷業障之累繫哉況乎此稱名之夜光奚弗  
照二死之迷衢居夫以山不厭高海不厭深刀不厭  
利日不厭明人不厭善罪不厭除賢不厭德佛不厭  
聖若爾者植乎善根造乎功德之人闔閭餘佛之名  
號而唱彌陀之寶號居又陀羅尼集經云若四部眾

歡舊作  
歡非今  
依經正

將持七寶滿世界中布施十方一切諸佛不如一錢  
一華一香好心布施阿彌陀佛者若作此功德一切  
諸佛菩薩金剛諸天等皆悉歡喜死生阿彌陀佛國  
上已若以之而觀之者或可供養功德勝矣問曰比對  
圓通開士之與持地索多而論其功德地位同是一  
生補處之薩埵十地究竟之大聖矣若爾者二聖稱  
揚之行者所得功德亦可齊等然其功用有須彌芥  
子牛溲巨溟之差降何也答曰大乘大集地藏十輪  
經佛自說其由以而曰一日稱地藏功德大名聞勝  
俱胝劫中稱餘智者德比又云善男子假使有人於

校訂重刊

淨土十勝論卷中

二十八

其彌勒及妙吉祥并觀自在普賢之類而為上首。苑  
伽沙等諸大菩薩摩訶薩所於百劫中至心歸依稱  
名念誦禮拜供養求諸所願。不如有人於一食頃至  
心歸依稱名念誦禮拜供養地藏菩薩求諸所願。速  
得滿足。所以者何。地藏菩薩利益安樂一切有情。令  
諸有情所願滿足。如如意寶。亦如伏藏。如是大士。為  
欲成熟諸有情。故久修堅固大願大悲勇猛精進。過  
諸菩薩是故。汝等應當供養。上比夫大德婆伽立言也。  
不容易。且然寄故本。擡之優劣。而論德於多少之不  
同而已。學者莫怪矣。又有一解。且林間錄云。教中有

舊脫能  
字  
慎旧作  
良今依  
録訂正

女子出定。因緣叢林商略甚衆。自非道眼明白。親見  
作家。莫能明也。大愚芝禪師每問僧曰。文殊是七佛  
之師。為什麼出此女子。定不得。罔明菩薩下方而至。  
但彈指一聲。便能出定。莫有對者。乃自對曰。僧投寺  
裏宿。賊入不慎。家予滋愛。其語作偈記之。曰。出定只  
消彈指。佛法豈用工夫。我今要用。便用。不管罔明文  
殊雲菴和尚見之。明日升座。用前話。乃曰。文殊與罔  
明見處。有優劣也。無若言。無文殊何故出。女子定不  
得。只如今日行者。擊動法鼓。大眾同到座前。與罔明  
出。女子定是同。是別。良久曰。不見道。欲識佛性。義當

校訂重刊

淨土十勝論卷中

二十九

旧脱汝字

觀時節因緣亦有偈曰佛性天真事誰云別有師罔明彈指處女子出禪時不費纖毫力何曾動所思衆生總平等日用自多疑上又祖庭事苑第五云女人定諸佛要集經文殊尸利欲見佛集不能得到諸佛各還本處文殊尸利到諸佛集處有一女人近彼佛坐入三昧文殊尸利入禮佛足已白佛言云何此女人得近佛坐而我不得佛告文殊尸利汝覺此女人令從三昧起汝自問之文殊尸利即彈指覺之而不<sub>レ</sub>可覺以大聲喚亦不可覺捉手牽亦不可覺又以神足動三千大千世界猶亦不覺文殊尸利白佛言我

是女等十九字旧脱之今依本及古皆補訂

不令覺是時佛放大光明照下方世界是中有<sub>一</sub>菩薩名棄諸蓋即時從下方來到佛所頭面禮足一面而立佛告棄諸蓋菩薩汝覺此女人即時彈指此女從三昧起文殊尸利白佛以何因緣我動三千大千世界不能令此女起棄諸蓋菩薩一彈指便從三昧起佛告文殊尸利汝因此女初發阿耨多羅三藐三菩提是女人因棄諸蓋菩薩發阿耨多羅三藐三菩提是以是故汝不能令覺<sub>至</sub>頌家謂網明菩薩乃傳燈所載味詳按何經論檢不見所出<sub>上</sub>此明由繫屬之多少而有得利之厚薄矣智人自思察焉智人自思

校訂重刊

淨土十勝論卷八

三十

咸旧作

察焉。問曰。群疑論第七云。問曰。念阿彌陀佛所得功德。無量無邊。上來具引經文。及按量顯勝。咸如妙釋。信受奉行。然未知念餘佛名功德。亦無量不釋曰。此有二義。一釋云。念一切佛。悉得無量功德。無有差別。以諸如來。悉具無邊功德。悉斷一切人法障。盡功德圓滿。為此無有念有勝劣。功德不同。若爾。何故。如來於諸經中。偏讚念阿彌陀佛功德。無量耶。答。其實功德。悉皆一種。但以淺識。凡夫不能遍念。是以如來偏讚一佛之功德。令其至心攝念。其至心功德。即多。此是如來密意方便也。猶如受大戒於僧眾中。悉是清

旧脱悉皆所佛旧作師今依論皆訂

淨堪為戒師。無有勝劣。隨其受者。標心一師。以為和上。發其戒緣。即勝餘者。此亦如是。專心一佛。功德即多。由心專至也。又有釋云。諸佛如來。雖復功德悉皆平等。無有勝劣。然以眾生於其佛所。久昔已來。結緣差別。如攝論唯識等咸云。眾生由法爾力。屬佛不同。或多屬一。或一屬多。若屬此佛。此佛能度。不屬餘佛。餘佛不度。屬此佛者。至心稱念功德。即多。即來救拔。其不屬者。念功不多。亦不來救。上如此解釋者。念佛功德多少。只在機緣之淺深。而不關法體之德用。見矣。若爾者。今相比。彌陀之與諸佛。論稱念功德之優

校訂重刊

淨土十勝箋節論卷八

三十一

號屬等  
二十字  
旧脱之  
今對校  
古補入

劣乘感公解而以為言與何如答曰案諸師勘判之意以別意弘願之名號屬万行隨一之念佛未顯超世大願之別用無念之至極也越度失錯胡事加之乎卞玉混石麒麟折足之恨只在斯一段者也感公且與彼而致一往之判釋而已此例非一學者自知矣抑今之所立念佛功德勝者不論宿緣之厚薄不擇信心之淺深只聞得彌陀之名願而一稱南謨其功德實勝諸佛唱念之功德億千万倍不可計倍矣是則以彌陀名大覺王以念佛稱王三昧之意也慧鎮老師恭述畜懷全原比丘之所持梵網之終誌之矣而曰荆谿尊者

淨土十勝論卷八

云假使發心不真實者緣於正境功德猶多至若非正境縱無妄偽亦不成種上予每見此釋莫不感思幸哉遇初後佛慧之妙法持真實大乘之戒本耳云此言誠乎今準據彼而曰宜焉宿因多幸今逢值為得大利無上功德之名號厚植但能念號故成大善之妙因矣大都行人所得功德之多少正由所修行體之麤妙全弗由行者用心之強弱者哉又詳勘諸定業有依境而不依心之義門準彼知之焉問曰四祖既判持名功德有淺深不同是則依繫屬有無而爾此之詳勘大得理更無所違越矣然今奚偏論其

校訂重刊

淨土十勝論卷八

三十二

高卑哉答曰夫準十輪說一日稱地藏勝餘智者德  
大願大悲過諸菩薩而觀之者吾彌陀如來有我建  
超世願必至無上道之恆誓故唱其嘉號所得大利  
實卓犖諸佛之名號而已禮序之詳判逞在此旨學  
者勿疑矣曰敢問之曰此是就西方往生之一門而  
談彌陀本願之別意莫妄混一餘事他方焉或曰普  
對一切而廣談此事如要集明之矣焉抑我等不知  
穎上之珠而沒溺憂海弗覺衣中之寶而矜端貧里  
其來尚矣爰聞良醫之慰喻奉長者之示珠初覺知  
尊號無價之寶珠是則河沙宿熏之所芬郁而已曰

推舊作  
推誤今  
依論訂

敢問曰弘法大師二教論云我當為汝飛日輪而破  
暗揮金剛以摧迷問者曰唯唯欲聞龍猛菩薩釋大  
衍論云一切衆生從無始來皆有本覺無捨離時何  
故衆生先有成佛後有成佛今有成佛亦有勤行亦  
有不行亦有聰明亦有暗鈍無量差別同有一覺皆  
悉一時發心修行到無上道本覺佛性強劣別故如  
是差別無明煩惱厚薄別故如是差別若言如初者  
此事則不爾所以者何本覺佛性圓過恒沙之諸功  
德無增減故若言如後者此事亦不爾所以者何一  
地斷義不成立故如是種種無量差別皆依無明而

校訂重刊

淨土十勝論卷中

三十三

拘旧古  
並作拘  
恐寫誤  
想旧作  
相誤今

得往持於至理中無關而已。比以之而觀之者。一切  
衆生。往生早晚。由二由爾也。大凡末代惡世。一切衆  
生等。蘆芽雖不穿膝。速超有海之波瀾矣。浮囊雖不  
扶身。忽絕無始之輪環焉。只是口唱尊號之一業而  
已。夫閻念佛之妙行。而勤諸餘之行業。似如以最上  
無價之白氈。而易藤麻之麤布。以驪龍領下之神珠。  
而易羸劣之微牛。相似卓朗之智人商量矣。卓朗之  
智人商量矣。抑我等報酬億劫之宿熏。雖值如來之  
名願。被拘一旦之名利。似忘圈圖之楚毒。斯釋想想  
兮。累祀矣。歎歎兮。送日焉。露命將消。浮生不幾矣。所

依古正

刹旧作  
刹誤

以命葉未零之間。生涯不類之時。救乎頭然而唱尊  
號。戀乎爺孃而欣淨刹矣。於戲憑哉。彼雞鳴顛倒。誑  
詐之虛鳴。猶為脫秦昭王難之秘術。今行者至心相  
應。之稱名。豈不為破牢獄。鍵關之利劍乎。焉南無阿  
彌陀佛。

疑心往生勝 第五十八

美旧作  
美誤今  
依古訂

夫生死之美里。以有無耶。而為枷鎖。無為之廣城。以  
捨擲。馱而為能入矣。故毗盧大教。有信解地之文。摩  
訶止觀。有超圓信之勸矣。然吾淨教之修行。不然。懷  
狐疑猶豫之心。尚得覺王獅子之迎者也。此義他經

校訂重刊

淨土十勝論卷八

三十四

種旧作  
修今依  
論訂

之所絕離矣。此旨餘宗之所不談焉。唯吾彌陀教一門不共別說而已。且大經云佛告慈氏若有衆生以疑惑心修諸功德願生彼國不了佛智不思議智不可稱智大乘廣智無等無倫最上勝智於此諸智疑惑不信然猶信罪福修習善本願生其國此諸衆生彼宮殿壽五百歲常不見佛不聞經法不見菩薩聲聞聖衆是故於彼國土謂之胎生。上龍勝大士十住毗婆沙云若人種善根疑則華不開信心清淨者華開即見佛。上疏第三云四明修因正念不得雜疑雖得往生含華未出或生邊界或墮宮胎或因大悲

旧脱於  
字今依  
疏加

菩薩入開華三昧疑障乃除宮華開發身相顯然法侶攜將遊於佛會上。夫大地不惡萬物故有載養之響巨海弗厭衆流故有深廣之德彌陀如來救乎信者助乎疑者故有超絕諸佛之佳名孰不仰賴者乎抑一切竺卿等沈淪愛波何日值濟渡之大船師迷入稠林孰時見示方之大導師億千萬劫中難受人界之生矣無量劫波之間聞婆伽之法焉然今偶得瓜上之人身幸值曇華之本願故住度河之念狀乎東隅生怖賊之想戀乎西岸嗚呼曦和之光早轉焉貪朝露之榮姒娥之景速遷爭愛呼吸之命南無

校訂重刊

淨土十勝箋節論卷中

三十五

阿彌陀佛

激勸叮嚀勝第五十九

夫三科皆空之梵筵有畢竟空寂之重說四意說法  
 之會場立語廣顯了之一門是則了義真實之大法  
 言語繁重之謂乎爰相對十方淨土之與九品蓮臺  
 以論其勸讚多少或淨土只明依正二報之相見更  
 無勸讚之言謂無勝淨土等是其倫也或淨土明外  
 器內身之莊嚴而勸往生其文一兩而不具謂阿闍  
 佛國淨瑠璃界等是其類也然吾西方淨土不然夫  
 一代四十九年三百六十餘會莫不皆說彌陀之行

舊脫報  
 字今依  
 古如  
 讚古作  
 生

舊脫專  
 字

舊脫餘  
 字  
 文等旧

願所以妙樂大師判諸教所讚說教多故清了禪師  
 釋至于諄諄屢說不已矣疏第三云是故諸經中處  
 處廣讚念佛功能同第四曰如此經及諸部中處處  
 廣歎勸令稱名將為要益也上又天台大師十疑論  
 云問若爾求生一佛淨土何不求生十方佛淨土中隨  
 念一佛淨土隨得往生何須偏念西方阿彌陀佛耶  
 答凡夫無智不敢自專專用佛語故能偏念阿彌陀  
 佛云何用佛語釋迦大師一代說法處處聖教唯勸  
 衆生專心偏念阿彌陀佛求生西方極樂世界如無  
 量壽經觀經往生論等數十餘部經論文等慇懃指

校訂重刊

淨土十勝箋節論卷中

作等文  
今依論  
文訂

授勸生西方故偏念也。上古云朝菌不知晦朔，螻蛄不知春秋。矣。此謂自力泥滯之行人，不知別願難思之玄極。夫焉請問之曰：彼一代徧勸勝聖道淨土相對而論之矣。今此激勸叮嚀勝他土西方對比而辯之焉。即廣狹異而已。學者應知矣。抑我等被擯十方淨土，生在五濁惡世，爰釋尊開演之春華，隨沙羅林之風而已散。慈氏圓明之秋月，隱摩尼殿之內而未出。二佛中間之迷徒，豈異人乎？只是我等而已。然今依恒沙之宿熏，幸值麟角之本誓，所以自策自勵，求常住樂矣。夫壯齡去暮年來，何處有還年之術乎。紅

淨土十勝論卷八

舊脫此  
人二字  
今依經  
訂補

顏衰翠鬢悴，孰家施治老之藥乎。南無阿彌陀佛。

佛子第一勝 第六十

夫曼殊遍吉者是釋尊定慧之法王子焉。身子迦葉者乃牟尼親近之大法將矣。此等大聖猶叵立持名行人之上者乎。且大乘莊嚴經云：若有善男子善女人得聞無量壽佛名號，發一念信心，歸依瞻禮，當知此人非是小乘。於我法中得名第一弟子。此又達池分陀利王諸華之中，故引斯分陀利以譬諸佛本懷之一乘妙法。法華取斯妙好華以類毗盧內證之四曼依正。大日又以此希有華而比二障斷盡之無上

校訂重刊

淨土十勝論卷八

三十七

覺王經 且釋籤第一云非蓮華無以譬於權實本迹妙法非此妙法無取喻於蓮華比以之而觀之者非分陀利華無以顯圓密之玄旨及以諸佛之功德非圓密之法要并諸佛之功德無取喻於分陀利華故知分陀利華是最上殊勝奇特絕妙之華矣然上茅城大王宮所說阿彌陀經云若念佛者當知此人是人中分陀利華觀世音菩薩大勢至菩薩為其勝友上宗師受之而曰若能相續念佛者此人甚為希有有更無物可以方之故引分陀利為喻至若念佛者即是人中好人人中妙好人人中上上人中希有

人人中最勝人也比本朝祖師亦受之曰凡流五種嘉譽蒙二尊影護此是現益也上又先賢釋曰法華以一乘妙法而譬分陀利觀經以持名行者而類妙好華人法雖異勝妙之義無爽矣於戲貴哉忝以一毫未伏之凡心而忽備分陀白蓮之靈德以三學分外之穢質早得第一弟子之佳名是孰恩乎只是彌陀覺王別願難思之鴻恩也我等既得第一弟子之名豈不超過普賢文殊乎亦預上上最勝之稱焉弗卓犖鶩子鶴勒夫曰敢問曰今論第一第二即有二意所謂若約斷惑證理門而明其長幼者以大小聖

披訂重刊

淨土十勝論卷八

人而為長嫡以念佛行者而為末幼若就大悲攝化門而謂其上下者以持名行人而為第一以大小聖者而為第二各據一義並不相違莫相諍矣譬如世人以初生之息立而為繼嫡又一人以末生之子立而為家督準彼知之矣大凡於佛法之中各互有等勝劣之三義非適今也智人自知焉抑我等定水難靜無價乎出離解脫喻如渡海覆船筏且慧燈無光不照乎無明長夜又似長途失龍蹄且爰我彌陀世尊窮源慧日遙照今日我等矣無緣道眼遠鑑濁世愚夫忝發六八超世之大願普濟三學分外之群類

淨土十勝節論卷中

矣然今幸逢遇勝緣勤修大善豈不截斷無始之劫波而出過未來之輪轉乎然則居諸猊座而大獅子吼不幾矣坐居玉臺而即詣西方在近者與觀夫忽忽常煉藥壘壘皆為墳矣每家傷薤上露之易晞且每人愁芭蕉命之難保矣南無阿彌陀佛

遺文放光勝 第六十一

夫牟尼玉毫照乎十方也廣顯五佛道同之化儀矣京師遺典發乎靈光也終耀三千廣眾之壇場居誠是為奇夷奇特矣且大宋高僧傳云釋少康貞元初至于洛京白馬寺殿見物放光遂採取為何經法乃

校訂重刊

淨土十勝節論卷中

三十九

舊脫歡  
字 閃旧作  
閃今依  
闕今依  
傳補正

泊旧作  
泊誤今  
依古訂

善導行西方化導文也。康見歡喜咒之曰。我若與淨  
土有緣。惟此軸文。斯光再現。所誓纔終。果重閃爍。中  
有化佛菩薩無算。至乃每遇齋日。雲集所化三千許人。  
比夫康公現在。弘經有誠。廣為三千之倚賴。身後廟  
土含靈。善除尊卑之疾。瘥於戲不至仙。崛常嘗不死  
之仙藥。弗訪者。扁永傳不老之秘術矣。是則遺文放  
光。靈德之所果也。誰不歸敬者乎。曰。敢問曰。今就淨  
教真典之放光而為語。莫混一自餘矧。又巨益泊滅  
後三千。豈相比哉。抑拙乎。一切衆生等。進入龍門。則  
高立。獨立自慢之幢。退居俗室。則恣造十惡不善之

淨土十勝論卷八

業。皂白之績。無非罪業。然而懺悔業障之心甚鮮。發  
露涕泣之想。寔淺為之。奈何居但宿熏之所。催深仰  
賴超世之大法。曩因之所牽。偏崇重高祖之妙判。一  
如經法之妙文。巨益有憑。十念引接之本誓。來迎無  
疑者哉。嗟乎。五蘊危脆。過乾城陽炎。三界無常。超夢  
幻泡沫。南無阿彌陀佛。

取執不捨勝 第六十二

夫一取而永不捨。是不死之甘露矣。用捨而亦弗定。  
乃汎爾之諸藥焉。二道修行之取捨。其不然乎。且解  
深密經云。密意說言。惟有一乘。非於一切有情界中。

校訂重刊

淨土十勝論卷八

四十

種性等十六字  
舊脫之  
此旧作  
第  
旧脫性  
字今依  
經皆補  
訂

無有種種有情種性。或鈍根性。或中根性。或利根性。有情差別。又云。依諸淨道清淨者。惟依此。一無第二。故於其中立一乘。非有情性無差別。比法華云。十方佛土中。唯一乘法。無二亦無三。除佛方便說。上抑深密權一實二法華實一權三矣。然沙羅林中最後垂範。唯一唯三俱非之。而誠不解我意之僻執矣。且涅槃經三十三云。善男子。我於經中告諸比丘。一乘一道一行一緣如是。一乘乃至一緣。能為衆生作大寂靜。永斷一切繫縛愁苦苦及苦因。令一切衆生到於一有我諸弟子。聞是說已。不解我意。唱言。如來說

旧脫人

旧脫唱  
言  
旧下  
有乃  
今依  
皆訂

須陀洹。乃至阿羅漢。人皆得佛道。善男子。我於經中說。須陀洹。人人間天上七返往來。便般涅槃。斯陀舍人。一受人天。便般涅槃。阿那含人。凡有五種。或有中間般涅槃者。乃至上流般涅槃者。阿羅漢人。凡有二種。一者現在。二者未來。現在亦斷煩惱五陰。未來亦斷煩惱五陰。我諸弟子。聞是說已。不解我意。唱言。如來說。須陀洹。至阿羅漢。不得佛道。比加之涅槃經之中。有佛智。有為無為。應果不退等多。不解我意。是則聖道之諸教。有用捨之二途之謂乎。匪啻局如來慈父之教迹。亦受佛敕諸法王子等。立乎取捨之二

校訂重刊

淨土十勝論卷八

四十一

義所謂莊嚴佛地兩論破乎一乘取乎三乘佛性寶  
性二文廢乎三乘立乎一乘加以支那四百州亦諍  
教之權實焉然於淨土之一教者不然矣夫寂場之  
頌說遍吉大士自說臨命終時面見彌陀之願驚峯  
之梵席牟尼至尊親授五障女人即詣西方之記又  
於其中間諄諄屢說不已矣雖然唯有收取褒讚之  
言未有彈斥廢捨之文矣才師判乎淨土一教不入  
破限矣基公釋乎淨土一門雙林無決焉誠有以哉  
大凡三化如來菩薩人師同致智人留心矣抑聖道高妙之  
諸教互有廢立喻如雪山兼出妙藥麤毒淨土最頂

之三經純有取收又似楞峯唯生梅檀與樂智人深  
精簡而忽捨用捨不定之聖道兮速取純有取收之  
淨教若有學佛之人閣乎一取不捨之淨教取乎用  
捨矛楯之聖道是則以梅檀易凡木之愚人乎抑亦  
以金銀易鋤鐵之闇者也可愍可愍矣夫流轉無窮  
矣措心推輪之計居無常迅速矣勵聲焉尊號之勤  
夫南無阿彌陀佛

本旧作  
本誤今  
依古訂

淨土十勝箋節論卷中

乾中終

校訂重刊

淨土十勝箋節論卷中

四十二止



